

DIBAAJIMOWIN OWI GIIZHIKIGAADEG DIBAMAADIWIN **MINWAAMJIGAADEG GIIGIDOWIN**

(Dekobjigaadeg Mazinigan)

ANISHINAABE GABE-GIIZHIK GIKINOO AMAADIWIIGWAAM DIBAANKONIDIWIN

Giishpin agii zhaawin Anishinaabe Gabe-giizhik Gikinoo Amaadiiwigaami maanda dibaajimowin ganimaa adaa mdookdaan gdo onashowe debiniweziwin. Wewen owi gindan.

Maziwe kamig maampii Gaanada Giizhiikigaade Dibamaadiwin agii onaakinigaade owi Anishinaabe Gabe-giizhik Gikinoo Amaadiiwigamig Maamowi-yaang dakonigewin. Gimaa Gamig maampii Gaanada (“**Gaanada**”) agii mina waamdaanaa-aa zaagoji-dibaaknigegamig Giizhiikigaade Dibamaadiwin gewe Maamowi-yaang Waajii-ejig owi e’nowendaagwag owi agii maajitaatong miinwaa agii dibagaadeg Gitchi Gimaa Anishinaabe Gabe-giizhik Gikinoo Amaadiiwigwaamigon (“**Anishinaabe Gabe-giizhig Gikinoo Amaadiiwigwaamigon**”) miinwaa owi agaa ani dibendamowaad miinwaa agaa minzhamowaad newen gikinoo-amaadiiwigwaamigon. Owi e-dagosing zhiwe Giizhiikigaade Dibamaadiwin, Gaanada ada miigwen dibagewin gewe e’miisejig Maamowi-yaang Waajii-ejig.

Owi onashowe dakonigewin, *McLean v. Gaanada* (Dibaaknige Gamig Mooshkinebiigan Gindaasiwin. T-2169-16), gagwedwena-aa banaajitaasowin zhiwe Gaanada newen wiisigikaagewin agaa nigaagowaad gewe agaa gikinomaagaazwaad zhiwe Anishinaabe-Gikinoo Amaadiiwigwaamig. Owi onashowe dakonigewin agii zoongichigaade Ode-imini-giizis 21, 2018, debwemag aawang maamowi yaang dakonigewin maajizhkaachigewin odi Kitchi Kiing Dibaaknige-gamig.

Maanda Dalpnigewin agii maajikigaade owa Garry McLean agaa nibood jibwaa zhichigaadeg Giizhiikigewin. Dibaaknige Gamig agii nagmaan Roger Augustine miinwaa Claudette Commanda awii aawiwaad e-giigidotamwaajig e-dakonigewin owi agaa Zhaabwijig Maamowi Yaang miinwaa Marielle Buckshot awii aawid e-giigidotamwaad Inodewiziwin Maamowi Yaang. Adaa debnigaazwog nikaazan Maamowi Yaang Giigidonini maampii endinakiid niisa-iing ezhhibigaadeg.

WEGONE DASH OWI GIIZHIKIGAADE DIBAMAADIWIN MAAGWEMGAG?

Gaanada agii nendam awii diba-amaaged gewe maagejig Maamowi Yaang waajii-ejig naagzowaamjigaadeg agaa apiichi maanzhidoodaagaazad epiichi zhaad odi Anishinaabe-Gikinoo Amaadiiwigwaamig. Dibamaagewin enigokwaag \$10,000 (CDN) maanzhidoodaamowin agaa zhiwebak epiichi zhaang Anishinaabe-Gikinoo Amaadiiwigwaamig apiinish \$200,000 (CDN) newen agaa aabaji zhiwebag mazhiwe doodamowin miinwa/maage wiisgaapinagewin agaa miigwemgag gaagige wiisgaapinewin. E-miigsejig Maamowi Yaang Waajii-ejig ada debnaanaa-aa bezhig goweta dabagewin naagzowaamjigaadeg newen memaanji wiigikaagemigag epiichi skoonwiwaad Anishinaabe Gabe-giizhig Gikinoo Amaadiiwigwaam gaawii baamendaagsinag mink bebakaan gikinoo amaadiiwigwaamig agaa zhaang.

Owi Giizhiikigaade Dibamaadiwin age dagosin Ondiziwin Zhoonyaa age miigwemgag \$200,000,000 (CDN) awii aasgaabwitaamowaad makwenjigewin nankiwin, mina-yaawin miinwaa mina zhayaang nankiwin, miinwaa iniwewin miinwaa inaadiziwin maajizhkaachigewinan.

Woshem gikendamowin owi dibagewin engokwaag miinwaowig gagwedwewin ezhhibideg adaa makigaade zhiwe Giizhiikigaade Dibamaadiwin Bezhiwendamowin. Gdaa debnaan masinaakzigan owi Giizhiikigaade Dibamaadiwin Bezhiwendamowin miinwaa aankobiigana odi Anishinaabe Gabe-giizhig Gikinoo Amaadiiwigwaam waasamo-asabi mazina-igan.

www.indiandayschools.com

WEGNESH E-DAGOYAAD?

Awii miigsewin owi bebezhiig dibagewin, aabdeg agwa agii zhaanaadig bezhig agaa wawinjigaadeg Anishinaabe Gabe-giizhig Gikinoo Amaadiiwigwaaman apii agii bamibdetowaad miinwaa/maage dibendamowaad gewe Gaanada miinwaa abdeg agii wiisgaapin’ewin zaam agii skoonwi-in Anishinaabe Gabe-giizhig Gikinoo Amaadiiwigwaamgan. Agaa wawinjigaadeg Anishinaabe Gabe-giizhig Gikinoo Amaadiiwigwaaman zhibiigaadenon odi Aankobiiganing K zhiwe Giizhiikigaade Dibamaadiwin Bezhiwendamowin odi e’temgag Anishinaabe Gabe-giizhig Gikinoo Amaadiiwigwaamg Waasamo-asabi Maziniga-igan.

AANIISH A’GEZHI DEBNAMAA DIBAGEWIN?

Giizhiikigaade Dibamaadiwin owi *McLean Maamowi Yaang Dikonigewin* minwaamjigaadeg enji dibaakniding miinwaa giishpin miigsewin aawayin Maamowi-yaang Waajii-ejig, gdaa gagwedwen dibagewin. Aabdeg gwii mooshkinebiian gagwedwewin moshkinebiigan miinwaa aga niindaawewin odi. Naagaanzitang Gagwedwewin. Ensa bezhig E’miigsed Maamowi Yaang Waajii’ed ada dowendaagozi awii miigwed aasgaabiwitaagemgag mazinigan owi ado gagwedwewin. Woshme gikendamowin waazhi zhitowin gagwedwewin ada temgad giishpin owi Giizhiikigaade Dibamaadiwin minwaamjigaadeg.

GIIZHIKIGAADEG DIBAMAADIWIN GIIGIDOWIN

Maajizhkaachigewin awii minwaamjigaadeg owi Giizhiikigaadeg Dibamaadiwin zhisajigaade awii noonjigaadeg **Zagibagaa-giizis 13, 14 miinwaa 15** odi Kichi Kiing Debaaknige Gamig, 363 Broadway, Winnipeg, MB R3C 3N9. Maamowi Yaang Giigidonini age ada gagwejiimaan Dibaaknige Gamig awii minwaamjigaadeg engindaasowaad miinwaa dibagewinan ado nankiwinwaa awii debnamwaad giizhiikigaadeg dibamaadiwin.

Giishpin minwaamdaman owi enaaknigaadeg Giizhiikigaade Dibamaadiwin, gaawii memkaach gego gdaa zhichigesii nongo megwaa, aanwi dash wiigwa gdaa nendam awii niindaawwin gdo Dibaajimowin Aasgaabwitaageng owa Maamowi Yaang Giigidonini, age miigwed Dibaaknige Gamigong. Gegwa Niindaaweke owi Dibaajimowin Aasgaabwitaageng gagwek odi Dibaaknige Gamigong.

Gnimaa age agwa gdaa giigid odi Minwaamjigaadeg Giigidowin. Zhibiigan giishpin dowendaman awii giigidowain zhiwe gdo Dibaajimowin Aasgaabwitaageng

AANIISH AGIISHPIN AANWAAMDAMAA OWI GIIZHIKIGAADE DIBAMAADIWIN?

Giishpin aanwaamdamaa owi Giizhiikigaade Dibamaadiwin, gdaa-aan dibiniweziwin awii aanwendaman. Gdaa Aanwaamdaman Mooshkinebiiganagd gdaa miinaa Maamowi-yaang Giigido-nini maampii niisa-iing ezhi biigaadeg waazhi niindaawewin jibwaa Zaagibagaa-giizis 3, 2019. Maamowi-yaang Giigido-nini ada miigwen gdo Aanwaamdaman Mooshkinebiigan Dibaaknige gamigon giizhaa jibwaa temgag owi Giizhaaknige Dibamaadiwin Minwaamjigaadeg Bazindaajigewin. **Gegwa gagwek niidaa-eke gdo maajibiigan Dibaaknige Gamigong.**

Aanowi agwa Maamowi Yaang Waajii-ejig adaa aanwendamowaad owi enaaknigaadeg Giizhiikigaade Dibamaadiwin, owi Ekwa Giizhendamowin owi Minwaamjigewin owi Giizhiikigaadeg Dibamaadiwin njike owa Dibaaknigenini ada zhitoon.

DIBAAJIMOWIN OWI GIIZHIKIGAADEG DIBAMAADIWIN **MINWAAMJIGAADEG GIIGIDOWIN**

(Dekobijigaadeg Mazinigan)

AANIISH GIISHPIN GAAWII MAAMDA AWII ZHAA- AAN MINWAAMJIGAADEG GIIGIDOWIN?

Giishpin agii giigidawin enjig Dibaaknidin nikaasang mazinaatesijigan, aabdeg awii gnonad Maamowi Yaang Giigidonini odi waazhi debnigaazad zhibiigan jibwaa Zaagibagaa-giizis 3, 2019. Odi temgad newen Kichi Kiing Dibaaknige Gamigoon temgak enji mazinatasijigeng adii aaswaakbiigaadenoon odi www.indiandayschools.com jibwaa Zagibagaa-giizis 6, 2019. Giishpin gshkitosiwin awii zhaa-in enji mazinaatesing maage giin awin dash yaa-aabi dowendaman enendaman owi Giizhiikigaadeg Dibamaadawin awii nonjigaadeg, gdaa zhibii-aan gdo inendamowin ezhi ozhibiigaadeg maampii shpiming.

N'DAA ZAAGAJI BIIWIDIS ANA ZHIWE GIIZHIKIGAADE DIBAMAADIWINING?

Owi inaaknigewin odi Dibaaknige Gamgoong, minwaamjigaadeg maage gaawii, ada dikobnigaazwog kina Maamowi Yaang Waajii-ejig gaawii e'zaagjibiiwidisijig owi onashowe nankiiwin (*Kichi Kiing Dibaaknige Gamig Naaknigewinan*, Naaknigewin 334-32(5)(f))

Zaagiji Biiwidiziyin adaa zgaknigaade gadibiniweziwin n'jike awii dakonad Gaanada newen maanzhidoodamowinan agaa nweshkaman epiichi kinomaagowin odi Anishinaabe Gabe-giizhig Gikinoo Amaadiiwiigwaam.

Maamowi Yaang Waajii-ejig ada dawisewog awii zaagiji biiwidizwaad owi Giizhiikigaade Dibamaadiwin shkwaa Zaagibagaa-giizis 2019 miinwaa minwaamjigaadeg Kichi Dibaaknige Gamgoon. Woshme gikendamowin apii miinwaa ezhi zaagiji biiwidizing adaa agwaakogaade odi Maamowi Yaang

Waajii-ejig Dibaaknigewin Waasamoo-asabi Mazinigan. giishpin minwaamjigaadeg owi Giizhiikigaade Dibamaadiwin. **Giishpin bwaa zaagaji biiwidiziyin zhiwe dikonigewin jibwaa ekwaaseg Zaagaji Biiwidiziyin, aga dakobinigo newen nendowendaagokin owi Giizhiikigaade Dibamaadiwin.**

Aanwaamdaman owi Giizhiikigaade Dibamaadiwin Bezhigwendamowin gaawii naasaab aawizonon Zagiji Biiwidizing. Giishpin aanwaamdaman owi Giizhiikigaade Dibamaadiwin Bezhigwendamowin gdaa zhichige odi Giizhiikigaade Dibamaadiwin Bezhigwendamowin Bazindaajigewin..

ISHPENDAAGWOD: Gaawii gego zhiwe Giizhiikigaadeg Dibamaadiwin nashkwechigaadesno owaa Waajiiwed ado gshkiweziwin awii dowaadang onashowe zhichigewin newen kiinsing, waasawekamig maage aname zhitwaawin newen gaa dazhi maanzhidoodaageng odi gabe giizhig kino-amaagegamigon agaa bamibdetowaad wegwen-iidig agwa ezhibiigaazijik.

MINWAAMJIGEWIN DANEGAADEG NEWEN ONASHOWE ENGINDEG

Gaanada agii nendam awii dibamowaad Maamowi Yaang Dakonigewin Giigido-ninwon \$55,000,000 (CDN) miinwaa ogimaawi-diba'igewin nendowendaagwog newen onashowe engindeg miinwaa dibagewinan. **Gaawii gego owi Maamowi Yaang Giigido-nini engindeg ada jibaamgasno zhiwe dibagewining agaa dibagaadeg Zhaabshkaajig Maamowi Yaang Waajii'ejig maage owi Ondiziwin Zhoonyaa.** Maamowi Yaang Giigido-nini engindeg miinwaa dibagewinan aabdeg awii minwaamjigaade enji dibaaknidin odi Giizhiikigaade Dibamaadiwin Minwaamjige Giigidowining.

WOSHME GEGO AWII GIKENDAMAN

Woshme gego awii gikendaman owi Giizhiikigaade Dibamaadiwin, gnowaamdand Anishinaabe-Gikinoo Amaadiiwigamig waasamo-asabi mazina-igan odi www.indiandayschools.com

Ganimaage gdaa gnonaa Maamowi-Yaang Giigido-nini odi niisa-iing ezhibiigaadeg. **Gaawii gego nangdesno ginonind Maamowi-Yaang Giigido-nini.**

Gowling WLG (Gaanada) LLP
160 Elgin Street
Suite 2600
Ottawa Ontario K1P 1C3

Law Firm
Website:
www.gowlingwlg.com
Toll Free
Number:
1 (844) 539-3815

Robert Winogron, Partner
+1 613 786 0176
robert.winogron@gowlingwlg.com

Indian Day School
Website:
www.IndianDaySchools.com

Jeremy Bouchard, Partner +1 613
786 0246
jeremy.bouchard@gowlingwlg.com

Mary M. Thomson, Partner +1 416
862 4644
mary.thomson@gowlingwlg.com

Vanessa Lessard, Law Clerk
vanessa.lessard@gowlingwlg.com

Maadokiin maanda gikendamowin gewe aanin Gabe-giizhig agaa Zhaabwiiijig